

KOERSVAS

Jaargang 5 Uitgawe 118 25 Augustus 2017

In hierdie uitgawe:

Redaksioneel

Berigte en Kennisgewings



REDAKSIONEEL

Tolhek voor.

Skertsenderwys kan ons stel dat daar drie tipes mense is; die wat kan tel en die wat duidelik wiskunde gedruip het. Dit is wenslik wees om te stel dat daar verskeie tipes mense is (sonder om hulle te tel) wanneer dit kom by die benadering tot tolhekke wat deel is van die nuwe bedeling se bloed uit die klippe tap.

Sonder om te wil veralgemeen, is daar tog 'n saak daarvoor uit te maak dat mense se benadering tot tolhekke in hulle benadering tot die lewe reflekteer.

Daar is diegene wat bewusteloos is oor die feit dat daar 'n tolhek is.

Dit is die mense wat by die tolhek tot stilstand sal kom en dan skielik begin soek na geld, dalk selfs moet soek na die beursie. Dit het al by geleentheid gebeur dat van die dromers eers moet uitklim om 'n katebak oop te maak om daar, of in die aktetas rond te tas na los muntstukke. Diegene gaan sonder angs of beklemming deur die lewe, word telkens verras deur mense en situasies. Hulle is nie voorbereid op die onvermydelike nie, skenk geen aandag alvorens dit absoluut nodig is nie.

Dit is ook diegene wat te ver van die venster tot stilstand kom en dan ver moet uitleun of

selfs moet uitklim, veral omdat die persoon in die hokkie nie van plan is om daardie trippel-e arm een duim verder uit te steek as wat die salarisstrokie vereis nie. Hierdie mense aanvaar gelate die ekstra moeite wat hulle moet aangaan, omdat hulle weet dat dit hulle eie gebrek aan beplanning is wat die situasie geskep het. Tog is hulle dikwels matig verbaas dat daar nie meer tegemoetkomendheid van die ander kant is nie.

Daar is diegene wat tot op die laaste sent hul geld reg het om te betaal. Dit is die mense wat vooruit beplan, wat die bord met die tariewe op raaksien en dan die geld uithaal, noukeurig tel en beskikbaar hou - of reeds voortydig reg het. Behoed die persoon wat dan in die hokkie beweer dat die bedrag nie voldoende is nie. Dit is die mense wat noukeurig aandag gee aan die fyner besonderhede. Hulle kan dan mateloos gefrustreerd raak wanneer ander by die tolhek begin soek na sente.

Dan is daar diegene wat met 'n kredietkaart betaal. Hulle het die kaart reeds reg en verkies die gemak van weet dat die kaart later eers betaal hoef te word. Dit is mense wat ook deeglik beplan, maar hulle is redelik ontspanne oor die bedrag betaalbaar en die beheer wat soms nodig is om uitgawes te bestuur.

Dan is daar die “pliggies” wat die e-tol aftaster het. Dit is die mense wat nie by OUTA aangesluit het nie, wat gerieflik deur die hek wil ry, veilig in die wete dat hulle reeds betaal het. Hulle volg reëls omdat dit so hoort. Daar is geen grys gebiede nie, net reg en verkeerd. Hulle bloed kook weer oor diegene wat tolbetalings wettig vermy. Hoe benader jy die tolhek? Stem dit ooreen met jou benadering tot die res van jou lewe? Vra maar net..

BERIGTE EN KENNISGEWINGS

BYBELVASVRAE 2017

Finaal

Die finale rondte vind Sondag plaas. Baie sterkte aan al die deelnemers. Baie geluk aan ds van Rooyen en sy span wat alles so goed laat verloop. Ds van Rooyen laat weet: Goeiedag almal

Die spanne wat die beste gevaar het (van die uitslae wat ek wel ontvang het) met die streeks rondte in kategorieë is soos volg:

Ope: Twee spanne eindig gelyk: Kategete van Koster gemeente en Cuvulei van Oshakati met albei 88 %

Hoërskool: Die Doringbos van Vrede gemeente met 91 %

Laerskool: Die Boere van Vrede gemeente met 100 %

Baie geluk aan hierdie spanne. Nou weet die res waarvoor om te mik.

Finale rondte: Groot dank aan Ds. Rita van Antwerpen vir die opstel daarvan.

BONSDAMESBYEENKOMS SCHWEIZER-RENEKE MAANDAG 4 SEPTEMBER 2017

Maandagoggend word ontbyt vanaf seweur in die Kerksaal aangebied. Die

Bondsvergadering open dan, soos gewoonlik, die oggend waar alle Bondsdames ook teenwoordig is. Daarna vertrek die Bondsdames na hul vergaderplek. Die Bondsdames gaan by Silwerjare Ouetehuis regoor die straat van die kerk vergader. Bussie vervoer is gereël om susters te vervoer van die saal tot by Silwerjare. By Silwerjare sal registrasie van Bondsdames dan plaasvind. Teetyd sal om 11 uur by Silwerjare plaasvind. Middagete sal by die Kerksaal wees en die bussie sal dames weer terugbring – tensy u wil stap. Dis regtig 500 meter. Ons sien uit daarna om u elkeen weer daar te sien. Maak asseblief seker dat u damesgetalle reeds aan Ina Steenkamp gestuur is, asook watter etes u gaan nuttig. Dit is noodsaaklik om vooraf te weet, onthou daar gaan heelwat beplanning in so ‘n geleentheid in.

Kontak Ina by 0829082831, of auri@mweb.co.za

OORNAG FASILITEITE Villa Stoney B+B

Oornag in die rustigheid van die Bosveld ! Slegs 5km van die Zambezi Tolhek - naby hospitaal en besighede- Langtermyn akkommodasie ook beskikbaar in gemeubileerde kamers Etes en wasgoed op afspraak Ontbyt of kospakkies is altyd ingesluit by **Villa Stoney**

Kontak Ina Steenkamp vir navrae en besprekings 0829082831 auri@mweb.co.za.

GELOOFBONDPREKE

Maak seker u bly op hoogte van die nuutste preke en gesprekke. Daar is elke Sondag nuwe Geloofsbondpreke op ons webwerf op die internet beskikbaar. Gaan na <http://www.geloofsbond.org.za/>

Daar is ook preke op **whatsapp** beskikbaar. Kontak Ella Joubert by 082 564 1915 en sy sal u onmiddellik by die **preek-whatsapp groep** voeg.

LEWENSBROOD 2018

Gemeentes word versoek om nou reeds met bemarking vir volgende jaar se boek te begin sodat u bestellings kan plaas tydens die **Bondsvergadering** in September. Ons gaan die koste steeds so laag moontlik hou.

GELOOFSBONDKWILT 2 (2017)

Die GHG dames se fondsinsamelings is ten bate van ons teologiese studente. Lootjies is beskikbaar by u eie gemeente. Elke gemeente word herinner aan die versoek om 3 of meer lyste se kaartjies te verkoop. Lootjies word DV tydens die GHG-byeenkoms te Schweizer- Reneke getrek. Al u vorms moet teen einde Augustus in wees.

GELOOFSBONDKWILT 3 (2017/2018)

Blokke is in. Kontak Ansie Steyn van Oostelike Pietersburg by 083 630 1107.

DRUKWERK

Paul en Ella help graag met:

- Kalender
- Kwitansieboeke
- Offergawe boeke
- Dames Kwitansieboeke
- Konsistorieboeke
- Reklame plakkate en ander drukwerk

ella@teamworkprinters.com

UITNODIGING: BASAAR

PREMIERMYN

Ons jaarlikse Basaar vind op die kerkperseel plaas op **25 en 26 Augustus 2017**. Die tema

is **Oppi Plaas** en ons het seker gemaak jy kom kuier op die plaas. Alles wat jy op die plaas verwag, sal daar wees.

Vrydag is daar Pap en Kaiings of Bosvark op die spit om te eet. Saterdag is die groot kuier en eet-dag. Die smulpape moet kennis neem dat ons net 40 SKAAPKOPPE @R120 gaan berei onder leiding van 'n Afval gilde goedgekeurde kok. (Bestellings by Dinie 0824106823) Ons gaan ook afval, skaap kerrie, vetkoek, koeke, terte, pannekoek en poeding verkoop. Daar is selfs kuikens in kuikenkotte! Kleinfontein se orkes gaan die musiek maak en ons gaan plaasvars groente en vrugte verkoop. Vir die tuinboere gaan daar geswete kraalmis wees – kies watter produk jy verkies. Ons het die samewerking van skape, beeste en hoenders gehad in die produksieproses.

MEYERSPARK

Lentefees

2 September 2017 vanaf 09:00

(lentefees.geloofsbond.org.za)

by Hervormde kerk Meyerspark

Hope smullekker eetgoed

Pret vir die hele gesin:

Bakkiesleep - Gholf (hole-in-one)

Skyfskiet - Helikopter simuleerder

Waterglybaan - Skopfietsresies

Meer besonderhede:

Web: <https://lentefees.geloofsbond.org.za>

Tel: 071 889 2175

Epos: hkm@geloofsbond.org.za

SUIKERBOSRAND, 30 September 2017

Ons gemeente hou Basaar op die bogenoemde datum en wil u graag uitnooi om ons te ondersteun in hierdie groot poging. Daar sal genoeg te koop, te eet en te kuier wees.

Die basaar word op ons kerkgrond gehou te H/v Fenter en Merzstraat Heidelberg en begin reeds om 08:00.

Daar is ook twee veilings, 'n lappop en 'n windbuks.

'n Pen gemaak vanuit hout en been word ook aangebied en behoort 'n baie interessante item te wees.

Daar is uitstallars van verskillende maatskappye wat insluit: sonkrag-toerusting, elektrisiteitbesparing, water suiwering en ander items wat boere en dorp bewo

Die gewone basaarprodukte soos pannekoek, kerrie en rys, nagereg, braaivleis, produkte, naaldwerk en vele meer sal daar wees.

Vars gebakte brood op die terrein gebak !!
U ondersteuning en kuier sal hoog waardeer en op prys gestel word.

Vriendelike groete,
Nico van Huyssteen
Skriba

Hervormde Kerk Suikerbosrand

OPPI PLAAS BASAAR

PREMIERMYN HERVORMDE KERK, CULLINAN

Speletjies
vir oud & jonk

Vetkoek
Pannekoek

Skaapkerrie & Rys

Tuisgebakte Brood

Nagereg / Gebak

Groente / Ontbyt

Tombola / Skyfskiet

Geswete Kraalmis

en vele meer

Vrydag 25 Augustus 2017
PAP EN KAIINGS



Melktert
Kampetisie

Afvalen skaapkop

Plaasubestelling voor 22 Augustus
by Dina 082 410 6823

26 Augustus 2017
Saterdag 08:00 - 15:00

Alta 082 682 1252
Dina 082 410 6823

Zonderwaterweg, Cullinan
(Oorkant Landdroskantoor)
E028°32.188 S025°40.672



Lentefees Lentefees

2 September 2017

09:00 tot 13:00

Hervormde Kerk Meyerspark

Pret vir die hele gesin!

Bakkiesleep - Golf (hole-in-one)
Skyfskiet - Helikopter simuleerder
Waterglybaan - Skopfietsresies

Hope smullekker eetgoed

QR Skattejag



Kom soek die kodes op
2 September 2017 en
wen pryse!



**40 Havelock Straat
Wilgepark**

lentefees.geloofsbond.org.za

lentefees.geloofsbond.org.za